

## INSTITUTO GALEGO DE PROMOCIÓN ECONÓMICA

*Resolución do 1 de outubro de 2007 pola que se lle dá publicidade ao acordo do Consello de Dirección do Instituto Galego de Promoción Económica, que aproba as bases reguladoras das axudas do Igape para o apoio financeiro 2007 aos establecementos turísticos, hostalaría e comercio retalista nas comarcas de Ferrol, Eume e Ortegal, instrumentadas mediante convenio de colaboración suscrito entre o Instituto Galego de Promoción Económica, as entidades financeiras e as sociedades de garantía recíproca adheridas.*

O Consello de Dirección do Igape na súa xuntanza do 29 de xuño de 2007, acordou por unanimidade dos seus membros asistentes aprobar as bases reguladoras das axudas do Igape para o apoio financeiro 2007 aos establecementos turísticos, hostalaría e comercio retalista nas comarcas de Ferrol, Eume e Ortegal, instrumentadas mediante convenio de colaboración suscrito entre o Instituto Galego de Promoción Económica (Igape), as entidades financeiras e as sociedades de garantía recíproca adheridas.

Na súa virtude e de conformidade coas facultades que teño conferidas,

### RESOLVO:

Primeiro.-Publicar as bases reguladoras das axudas do Igape para o apoio financeiro 2007 aos establecementos turísticos, hostalaría e comercio retalista nas comarcas de Ferrol, Eume e Ortegal, instrumentadas mediante convenio de colaboración suscrito entre o Instituto Galego de Promoción Económica (Igape), as entidades financeiras e as sociedades de garantía recíproca adheridas, as cales se anexan a esta resolución.

Santiago de Compostela, 1 de outubro de 2007.

Álvaro Álvarez-Blázquez Fernández  
Director xeral do Instituto Galego de Promoción  
Económica

Bases reguladoras das axudas do Igape para o apoio financeiro 2007 aos establecementos turísticos, hostalaría e comercio retalista nas comarcas de Ferrol, Eume e Ortegal, instrumentadas mediante convenio de colaboración suscrito entre o Instituto Galego de Promoción Económica (Igape), as entidades financeiras e as sociedades de garantía recíproca adheridas:

Artigo 1º.-Obxecto.

Estas bases regulan o contido e procedemento de tramitación dunha liña de subsidiación ao financiamento obtido polas pequenas e medianas empresas dos sectores de turismo, hostalaría e comercio retalista que promovan investimentos nas comarcas de Ferrol, Eume e Ortegal.

Artigo 2º.-Beneficiarios das liñas de crédito.

2.1. Poderán acceder á dita liña de financiamento aquelas empresas que teñan a consideración de microempresa ou pequenas ou medianas empresas

(pemes) segundo a definición adoptada pola Comisión Europea, feita pública para efectos do Igape mediante a Resolución do 27 de decembro de 2004 (DOG nº 11, do 18 de xaneiro de 2005), que desenvolvan algunha das actividades económicas relacionadas no anexo I.

2.2. Os beneficiarios terán que estar ao día das súas obrigas coa Facenda Pública, coa Seguridade Social e coa Comunidade Autónoma de Galicia.

Artigo 3º.-Características dos proxectos de investimento.

3.1. O proxecto investidor deberá consistir na adquisición de activos a terceiros.

3.1.1. Consideraranse subvencionables os investimentos adquiridos a terceiros, que se realicen con posterioridade á solicitude da axuda no Igape e se paguen no período dun ano desde a formalización da operación de préstamo ou se adquiran mediante arrendamento financeiro (*leasing*), e que se materialicen en:

\* Inmobilizado material novo:

-Obras de reforma en xeral.

-Obras de novo establecemento.

-Reformas estruturais.

-Instalacións básicas.

-Revestimentos, pinturas e acabamentos xerais.

-Equipamento.

-Elementos de transporte, exclusivamente vehículos industriais.

-Mobiliario e informática.

-Melloras decorativas.

-Honorarios de proxecto e decoración.

-Calquera outro investimento que contribúa á mellora das estruturas de comercialización ou desenvolvemento das actividades.

\* Inmobilizado inmaterial, co límite do 25% do total do investimento subvencionable do proxecto.

3.1.2. A contía do investimento subvencionable será como mínimo de 3.500 euros e como máximo de 90.000 euros e determinarase excluindo o IVE e outros tributos do custo de adquisición.

3.1.3. No caso de tratarse dun contrato de arrendamento financeiro (*leasing*), a empresa deberá comprometerse a exercer a opción de compra.

3.1.4. Os beneficiarios deberán manter os investimentos obxecto de financiamento durante un prazo mínimo de tres anos desde a súa adquisición. Considerase que se cumpre esta condición no caso de que os bens en que se materialice o investimento sexan substituídos por outros da mesma natureza e destino, non podendo obter para a súa adquisición ningún tipo de axuda financeira do Igape.

Artigo 4º.-Importe das operacións.

O importe que se financiará con dereito a subsidiación non poderá superar o 90% do investimento subvencionable. O importe subsidiado será, como míni-

mo, de 3.150 euros e non poderá, para cada beneficiario, superar os 81.000 euros.

Artigo 5º.-Prazo e sistema de amortización das operacións.

5.1. O prazo máximo de amortización será de sete anos incluído, como máximo un ano de carencia. Os períodos de amortización comezarán a computarse a partir do primeiro día do período natural inmediato pactado na operación (semestre, trimestre, mes, etc.) á data de formalización, polo que a vixencia da operación poderá ser superior polos días que se engaden no período irregular inicial e que se incluírán no período de carencia.

5.2. O sistema de amortización de capital e de liquidación de xuros será o que libremente pacten as empresas directamente coa entidade de crédito.

Artigo 6º.-Tipo de xuro e comisións das operacións.

6.1. O tipo de xuro nominal anual para as operacións acollidas ao presente convenio poderá ser, á elección do beneficiario, fixo ou variable:

Tipo de xuro fixo: establécese un tipo de xuro nominal do 6%.

Tipo de xuro variable: o tipo de xuro nominal anual para as operacións de préstamo acollidas a este convenio e o seu sistema de variación establécense do seguinte modo:

Primeiro: o tipo de xuro nominal dos préstamos que se formalicen durante o ano 2007 fíxase no 5%.

Segundo: para os próximos períodos o tipo de xuro variará por semestres naturais e determinarase de acordo coa seguinte norma:

a) Tipo de referencia: para o primeiro semestre de cada ano calcularase como a media aritmética simple dos tipos diarios do euribor a prazo de seis meses correspondentes ao mes de novembro do ano anterior. Para o segundo semestre será a media aritmética simple dos tipos diarios do euribor a prazo de seis meses correspondentes ao mes de maio do mesmo ano.

b) Tipo adicional: será o que libremente pacten as partes sen que en ningún caso poida exceder de 0,75 puntos.

c) O tipo de xuro nominal anual dos préstamos será, para cada semestre natural, o resultante de engadirlle ao tipo de referencia, o tipo adicional que pacten as partes. Se o tipo de xuro resultase con varios decimais, redondearase ata a máis próxima vixésima parte do punto.

O tipo de xuro de referencia para cada semestre será comunicado polo Igape ás entidades financeiras e publicado no *Diario Oficial de Galicia*.

6.2. Para os efectos destas bases, enténdese por euribor (Euro Interbank Offered Rate=tipo interbancario ofrecido en euros) a media das cotizacións proporcionadas polo grupo euribor das asociacións internacionais euribor FBE e euribor ACI, eliminando valores extremos, ás 11.00 da mañá hora de Bruxelas, por operacións de depósito interbancario a un prazo de 6 ou 12 meses, segundo corresponda, e publicado na páxina web do *Banco de España*.

6.3. Se o euribor ao prazo correspondente deixase de determinarse, aplicarase, en primeiro lugar o índice de referencia que legalmente o substitúa e, en segundo lugar, en defecto de normativa algunha ao respecto, o tipo de xuro variará por semestres naturais de acordo coas seguintes normas:

a) Para o primeiro semestre de cada ano será o tipo de rendemento interno no mercado secundario da débeda pública de prazo entre dous e seis anos, publicado polo *Banco de España*, correspondente ao mes de novembro do ano anterior. Para o segundo semestre de cada ano será o tipo de rendemento interno no mercado secundario da débeda pública, de prazo entre dous e seis anos, publicado polo *Banco de España*, correspondente ao mes de maio do mesmo ano.

b) O tipo de xuro nominal anual dos préstamos será, para cada semestre natural, o resultante de restarlle ao tipo de referencia 0,5 puntos. Se o tipo de interese resultase con varios decimais, redondearase ata a máis próxima vixésima parte do punto.

6.4. As entidades financeiras prestamistas poderán percibir, por todos os conceptos e dunha soa vez, unha comisión máxima dun 1%. A devandita comisión non será subvencionable.

6.5. As sociedades de garantía recíproca (SGR) poderán percibir, polos avais prestados ás operacións de empréstito subscritas ao abeiro desta bases, unha comisión máxima anual do 1% sobre os saldos máximos garantidos cada ano. A devandita comisión será subvencionada polo Igape.

Artigo 7º.-Axuda do Igape.

7.1. A subsidiación será de 4 puntos porcentuais do tipo de xuro e, se é o caso, ao importe da comisión do aval da SGR.

7.2. A axuda financeira que se conceda, tanto a subsidiación ao tipo de xuro como, se é o caso, a subvención da comisión de aval da SGR, pagarase dunha soa vez e para o seu cálculo procederase do seguinte xeito:

a) Calcularanse os valores absolutos das subvencións que se percibirán durante o período de vixencia do préstamo/*leasing*, incluído, se é o caso, o período de carencia, tomando coma tipo de xuro nominal o correspondente ao ano da presentación da solicitude no Igape.

b) Actualizaranse os valores absolutos obtidos anteriormente, utilizando como taxa de actualización o tipo de xuro legal do diñeiro correspondente ao ano da presentación da solicitude no Igape.

c) O importe resultante da liquidación anticipada destinarase á amortización anticipada do principal do préstamo, non podendo a entidade financeira cobrar comisión ningunha pola dita amortización.

d) No caso de que o préstamo sexa amortizado, total ou parcialmente, calcularase o novo importe da subvención e o importe que debe reintegrar o beneficiario ao Igape, que deberá realizar na forma e nos prazos que se establezan na resolución de reintegro.

### Artigo 8º.-Compatibilidade e límite de axuda.

8.1. As axudas outorgaranse ao abeiro do Regulamento (CE) 70/2001 da Comisión do 12 de xaneiro de 2001 relativo á aplicación dos artigos 87 e 88 do Tratado CE ás axudas estatais ás pequenas e medianas empresas (DOUE L 10, 13-1-2001).

8.2. Non poderán acollerse a estas axudas aqueles proxectos que se vaian financiar, en todo ou en parte, mediante créditos, préstamos ou contratos de *leasing* que teñan calquera tipo de subvención encamiñada a mellorar as condicións financeiras respecto das normas de mercado.

8.3. A concesión das axudas queda supeditada ao cumprimento da normativa vixente e, en especial, á da Unión Europea. Neses termos, serán compatibles con calquera outra axuda pública ou privada -salvo as referidas no parágrafo anterior-, pero en ningún caso, illadamente ou en concorrencia con outras, poderán superar os límites máximos de intensidade de axuda establecidos pola Unión Europea, no Regulamento (CE) 70/2001 da Comisión do 12 de xaneiro de 2001, relativo á aplicación dos artigos 87 e 88 do Tratado CE ás axudas estatais ás pequenas e medianas empresas (DOUE L10, 13-1-2001).

### Artigo 9º.-Tramitación das solicitudes da axuda financeira perante o Igape.

9.1. Para presentar unha solicitude de axuda o interesado deberá cubrir previamente un cuestionario descritivo das circunstancias do solicitante e do proxecto a través da aplicación de axuda establecida no enderezo da internet <http://www.tramita.igape.es>. A instrución e resolución do procedemento basearase nas declaracións contidas no citado cuestionario.

9.2. A fin de prestar asistencia na formalización do cuestionario, o Igape pon á disposición do interesado o seu Servizo de Asistencia Técnica, cun sistema de cita previa concertada a través do mencionado enderezo da internet ou dos números de teléfono 902 30 09 03 ou 981 54 11 47, ou os que en cada momento se establezan para esta finalidade. Deberanse cubrir necesariamente todos os campos do formulario establecidos como obrigatorios, tras o cal a aplicación emitirá un identificador de documento electrónico (IDE) que identificará univocamente o cuestionario. Este IDE estará composto de 40 caracteres alfanuméricos e obterase mediante o algoritmo estándar de extractado SHA-1 160 bits a partir do documento electrónico xerado pola aplicación de axuda citada anteriormente.

9.3. A solicitude de axuda presentarase mediante a instancia normalizada que se xunta como anexo II, na cal será obrigatorio a inclusión dos 40 caracteres alfanuméricos do IDE obtido no paso anterior. A solicitude que careza do IDE ou na cal este sexa erróneo (sexo porque ten un formato erróneo ou porque non foi xerado pola aplicación de axuda) será devolta sen tramitación.

9.4. A presentación da solicitude de axuda polo interesado comportaralle a autorización ao órgano xestor para solicitar as certificacións que deban emitir a Axencia Estatal da Administración Tributaria, a

Tesouraría Xeral da Seguridade Social e a Consellería de Economía e Facenda da Xunta de Galicia, segundo o disposto no artigo 43 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006. Non obstante, se por razóns técnicas ou doutra índole estes certificados non puidesen ser obtidos polo órgano xestor poderanlles ser requiridos ao interesado.

9.5. O interesado presentará a instancia de solicitude co IDE no rexistro xeral dos servizos centrais do Igape, nas súas oficinas territoriais ou a través dalgunha das formas recollidas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

9.6. Así mesmo, o interesado poderá asinar electronicamente o formulario de solicitude co IDE e presentalo no Rexistro Telemático da Xunta de Galicia. O solicitante por esta vía telemática deberá reunir os seguintes requisitos:

a) Será necesario que o asinante da solicitude teña a representación legal da empresa ou entidade solicitante. Esta representación deberá ser individual ou solidaria, de modo que coa súa sinatura sexa suficiente para acreditar a vontade do solicitante.

b) O asinante deberá posuír un certificado dixital en vigor baixo a norma X.509 V3 válido, tal e como especifica a Orde do 25 de novembro de 2004 da Consellería de Economía e Facenda pola que se establecen as normas específicas sobre o uso da sinatura electrónica nas relacións por medios electrónicos, informáticos e telemáticos coa Consellería de Economía e Facenda e os seus organismos e entidades adscritas (DOG nº 239, do 10 de decembro de 2004). Os certificados da clase 2 CA emitidos pola Fábrica Nacional de Moeda e Timbre-Real Casa da Moeda serán válidos para os efectos de presentación de solicitudes. Se o certificado corresponde a unha persoa física, a súa representación acreditarase documentalmente durante a tramitación do expediente.

c) Unha vez asinado o formulario de solicitude co IDE, mediante certificación dixital do presentador, e transferidos estes ao Igape, procederase á anotación dunha entrada no Rexistro Telemático da Xunta de Galicia, creado polo Decreto 164/2005, do 16 de xuño.

d) No momento da presentación o rexistro expedirá, empregando as características da aplicación telemática, un recibo no cal quedará constancia do feito da presentación, conforme o citado Decreto 164/2005.

9.7. O solicitante poderá obter en todo momento un xustificante da recepción por parte do Igape dos termos da súa solicitude contidos no cuestionario. Para iso utilizará a aplicación establecida no enderezo da internet citado anteriormente, introducindo os 40 caracteres do IDE e o enderezo de correo electrónico en que desexa recibir o xustificante. As modificacións da solicitude inicial deberán ser presentadas utilizando a aplicación de axuda para xerar un cuestionario modificado, cuxo IDE será de obrigatoria inclusión no escrito de comunicación ao Igape das devanditas aclaracións.

9.8. O Igape unicamente dará curso a aquelas solicitudes que figuren cubertas na súa totalidade, devolvéndolle, noutro caso, a solicitude ao interesado, quen poderá volver a presentala unha vez que se cubra correctamente.

9.9. Traslado de solicitudes ás entidades financeiras.

O Igape remitirá o cuestionario da solicitude cursada á entidade financeira e, se é o caso, á sociedade de garantía recíproca designadas polo solicitante. As operacións subsidiadas poderán formalizarse, a risco do prestameiro, desde a data de remisión do Igape á entidade financeira do expediente, sen que esta remisión supoña recoñecemento do dereito do solicitante a percibir finalmente a axuda.

Artigo 10º.-Resolución.

10.1. Unha vez que a entidade financeira formule a súa posición de conformidade co establecido no convenio de colaboración que para tal efecto se asine, a solicitude será avaliada polos servizos técnicos do Igape en función dos datos relativos á operación declarados no cuestionario anexo a ela. Unha vez avaliada a solicitude, a Dirección da Área de Financiamento elevará a proposta de resolución ao director xeral do Igape, quen resolverá por delegación do Consello de Dirección.

10.2. Na resolución de concesión de axuda farase constar o importe do investimento subvencionable, o importe do préstamo subsidiado, o seu prazo de vixencia e a carencia, a data desde a que poderá formalizarse o préstamo subsidiado, o importe efectivo da subsidiación e, se e o caso, da comisión do aval, equivalente para o beneficiario, que o Igape aboará á entidade financeira, para a súa aplicación á amortización anticipada do principal da operación.

10.3. Na resolución denegatoria de axuda farase constar o motivo da denegación.

10.4. De acordo coas características do programa de axuda, o procedemento de concesión tramitarase en concorrencia non competitiva. As solicitudes de axuda resolveranse por orde de entrada das solicitudes completas no Igape, e ata esgotarse as disponibilidades orzamentarias aprobadas, circunstancia que se publicará mediante resolución no DOG.

Artigo 11º.-Notificación, aceptación, silencio administrativo e recursos.

11.1. O Igape notificará ao solicitante e comunicará á entidade financeira e SGR, se é o caso, a concesión ou denegación da axuda.

11.2. A resolución de concesión deberá ser aceptada polo beneficiario no prazo de 15 días hábiles a partir do seguinte ao da súa notificación. En caso contrario, entenderase que o beneficiario renuncia a ela, ditándose resolución neste sentido. A aceptación por parte do interesado suporá a obriga de cumprir as condicións establecidas na resolución, nestas bases e demais disposicións aplicables. A aceptación formalizase na copia da resolución que, para tal efecto, se remitirá xunto coa resolución de concesión e que deberá ser devolta ao Igape debidamente cuberta.

11.3. O prazo máximo para notificar a resolución do procedemento será de tres meses a partir da data de presentación da solicitude de axuda no Igape. O citado prazo poderá ser suspendido nos supostos establecidos no artigo 42.5º da Lei de réxime xurídico das administracións públicas e do procedemento administrativo común. Transcorrido tal prazo sen que se notificase resolución expresa, poderase entender desestimada. Contra a resolución, que esgota a vía administrativa, poderase interpoñer recurso contencioso-administrativo diante dos xulgados de Santiago de Compostela, no prazo de dous meses contados a partir do día seguinte ao da recepción da notificación da resolución. Potestativamente, poderase interpoñer recurso de reposición diante do director xeral do Igape no prazo dun mes a partir do día seguinte á recepción da notificación da resolución, segundo o disposto nos artigos 116 e 117 da Lei de réxime xurídico das administracións públicas.

11.4. Será causa de denegación da axuda a falta de comunicación pola entidade financeira da súa posición respecto á aprobación da operación, nos prazos establecidos nestas bases e no convenio asinado para o efecto (15 días para cada entidade), sen prexuízo da posibilidade do solicitante de reiterar a súa solicitude.

Artigo 12º.-Publicación.

12.1. De conformidade co artigo 13.4º da Lei 4/2006, do 30 de xuño, de transparencia e boas prácticas na Administración pública galega, o Instituto Galego de Promoción Económica publicará as subvencións concedidas ao abeiro destas bases no *Diario Oficial de Galicia* e na páxina web do Igape, [www.igape.es](http://www.igape.es), expresando beneficiario, finalidade, contía e aplicación orzamentaria, polo que a presentación da solicitude leva implícita a autorización para o tratamento necesario dos datos do solicitante e a súa remisión ás entidades financeiras e sociedades de garantía recíproca para os efectos da formalización das operacións, así como o tratamento dos datos das entidades financeiras e sociedades de garantía recíproca, e da súa publicación nos citados medios.

12.2. De conformidade cos puntos 3º e 4º do artigo 13 da Lei 4/2006, do 30 de xuño, de transparencia e boas prácticas na Administración pública galega, e co previsto no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, o Igape e a Consellería de Economía publicarán no *Diario Oficial de Galicia* e na súa páxina web oficial a relación dos beneficiarios e o importe das axudas concedidas ao abeiro destas bases; e incluírá igualmente as referidas axudas e as sancións, que como consecuencia delas puidesen imponse, nos correspondentes rexistros públicos, polo que a presentación da solicitude leva implícita a autorización para o tratamento necesario dos datos persoais dos beneficiarios e a referida publicidade.

Artigo 13º.-Formalización da operación financeira.

13.1. Unha vez que o Igape traslade por vía telemática o cuestionario da solicitude á entidade financeira e, se é o caso, á sociedade de garantía recíproca correspondente, poderase formalizar a operación financeira, previamente á resolución de concesión.

13.1.1. A formalización do préstamo/leasing antes da resolución de concesión non implica o recoñecemento de ningún dereito ou cualificación do expediente respecto á concesión da subsidiación solicitada.

13.1.2. No contrato de préstamo/leasing formalizado anticipadamente de acordo co previsto no punto anterior, deberanse mencionar, polo menos, os seguintes extremos: que se presentou solicitude de axuda financeira no Igape, con indicación da data de rexistro de entrada neste instituto, e que o préstamo quedará acollido ás axudas establecidas nestas bases nos termos e condicións establecidas na resolución de concesión da axuda que, no seu día, se dite, así como o compromiso de destinar o importe da axuda no momento en que se reciba á amortización anticipada do principal do préstamo.

13.1.3. No suposto de que a resolución de concesión da axuda que, se é o caso, se dite, estableza unhas condicións diferentes das indicadas na autorización de formalización anticipada, deberá incluírse un anexo ao documento de préstamo/leasing, intervido por fedatario público, en que se fagan constar as características establecidas na dita resolución.

13.2. Se o préstamo/leasing se formaliza con posterioridade á data de notificación da resolución de concesión, deberá recoller a mención de estar acollido ás axudas previstas nestas bases e o compromiso de destinar o importe da axuda no momento en que se reciba á amortización anticipada do principal da operación financeira.

13.3. O prazo máximo para a formalización do préstamo/leasing, ou, se é o caso, adaptación da póliza ás condicións da resolución de concesión do Igape será de tres meses, contados desde o día seguinte á data de notificación da concesión ao beneficiario.

Finalizado este prazo sen que se formalizase ou adaptase, ditarase resolución tendo o solicitante por renunciado e ordenando o arquivo do expediente, salvo que, logo de solicitude razoada de prórroga deste, presentada no Igape dentro do prazo e acreditando a conformidade da entidade financeira, o Igape autorice esta prórroga.

13.4. A entidade financeira remitirá ao Igape, coa maior brevidade, copia cotexada da póliza ou escritura de préstamo e, se é o caso, o correspondente anexo, antes de presentar a solicitude de cobramento da subvención.

13.5. Disposición dos fondos do préstamo. Os beneficiarios dunha operación de préstamo deberán xustificar á entidade financeira a aplicación dos fondos ás finalidades para as cales foi concedida, de acordo co establecido a continuación:

13.6. As disposicións realizaranse a través dunha conta específica en que se reflitirán única e exclusi-

vamente os movementos habidos na operación de préstamo.

13.7. Previamente á utilización dos fondos, a entidade financeira requirirá dos beneficiarios a documentación (facturas, contratos, certificacións de obra, etc.) que acredite a execución do investimento subvencionable para o seu pagamento. A disposición dos fondos irá destinada aos pagamentos pendentes do investimento.

13.8. Entrega dos bens en arrendamento financeiro (leasing). Os titulares dunha operación de leasing deberán expresar formalmente a súa conformidade respecto dos bens entregados pola entidade de crédito en arrendamento financeiro. Esta declaración deberá remitirse ao Igape coa solicitude de cobramento. Así mesmo, deberán exercer a opción de compra á expiración do contrato.

Artigo 14º.-Pagamento da subsidiación.

14.1. Os beneficiarios destas axudas, unha vez executado e pagado o investimento, e no prazo de dous meses contado desde a data de pagamento da derradeira factura ou do vencemento do período de realización dos investimentos, no caso de que esta fose posterior, deberán solicitar o cobramento da subvención concedida segundo o modelo que figura como anexo III.

14.2. A solicitude deberá presentarse no Igape, ben directamente, a través de calquera das súas oficinas, ou ben indirectamente a través das entidades financeiras colaboradoras, xunto coa seguinte documentación:

a) Fotocopia cotexada da declaración censal (modelo 036) ou último recibo do Imposto de actividades económicas.

b) Fotocopias cotexadas dos documentos que xustifiquen a realización do investimento subvencionable e os pagamentos realizados (o cotexo destas facturas poderase facer directamente en calquera das oficinas do Igape ou ben na entidade financeira colaboradora).

c) Para o caso de resolucións de concesión de axudas condicionadas ao achegamento de determinada documentación, fotocopia cotexada desta.

14.3. O Igape revisará a documentación xustificativa, podendo solicitar á entidade de crédito, á SGR ou ao beneficiario calquera documentación e información adicional que considere oportuno para os efectos dunha correcta análise da xustificación da realización do proxecto.

14.4. Unha vez verificada a documentación achegada, o Igape procederá ao pagamento da subsidiación e, se é o caso, da subvención da comisión de aval, dunha soa vez, a través da entidade financeira prestamista. A subvención terá que destinarse á amortización anticipada do principal da operación, polo que, unha vez aplicada, a entidade financeira deberá presentar no Igape, no prazo de 30 días desde a data de pagamento da subvención, certificación acreditativa da amortización do principal da operación na contía subvencionada, non podendo a entidade financeira cobrar comisión ningunha pola dita amortización.

### Artigo 15º.-Modificacións.

15.1. Toda alteración das condicións tidas en conta para a concesión da axuda e, en todo caso, a obtención concorrente de subvencións ou axudas outorgadas por outras administracións ou entes públicos ou privados, poderá dar lugar á modificación da resolución de concesión, ou da súa revogación, no caso de considerarse que a modificación afecta un aspecto substancial da concesión.

15.2. O beneficiario queda obrigado a comunicarlle ao Igape calquera circunstancia ou eventualidade que poida afectar substancialmente a execución dos fins para os que foi concedida a axuda. En particular deberá remitir unha declaración complementaria das axudas recibidas para a mesma operación no momento en que sexa comunicada calquera concesión e sempre coa presentación da solicitude de cobramento.

15.3. En caso de modificación da operación aprobada, o beneficiario da axuda poderá solicitar, motivadamente, a modificación da resolución. No caso de que a modificación afecte os datos declarados no cuestionario deberá cubrir previamente un novo cuestionario descritivo do proxecto na aplicación de axuda na internet, e obter un novo código IDE. Este IDE incluírase na solicitude de modificación.

15.4. O director xeral do Igape poderá acordar a modificación da resolución de concesión por instancia do beneficiario e deberán cumprirse os seguintes requisitos:

- a) Que a actividade, conduta ou modificación do proxecto estea comprendida dentro da finalidade destas bases.
- b) Que a modificación non cause prexuízos a terceiros.
- c) Que os novos elementos e circunstancias que motiven a modificación, de ter concorrido na concesión inicial, non supuxesen a denegación da axuda.

15.5. A resolución de modificación establecerá as novas condicións da concesión e, se é o caso, decretará o reintegro do indebidamente percibido. En ningún caso a resolución de modificación implicará aumentar o importe da subvención inicialmente aprobada.

15.6. O cambio de beneficiario da axuda poderá ser autorizado polo director do Igape sempre que se acredite documentalmente a subrogación na totalidade dos dereitos e obrigas derivados do proxecto subvencionado e especificamente da operación subsidiada, así como o cumprimento dos requisitos establecidos no punto 15.2. Presentarase a solicitude asinada polo novo titular, xunto coa documentación acreditativa da subrogación, constando o consentimento do anterior beneficiario.

### Artigo 16º.-Perda da subvención.

16.1. Procederá o reintegro total ou parcial por parte do beneficiario das cantidades aboadas polo Igape á entidade financeira e sociedade de garantía recíproca con motivo da súa operación de préstamo/*leasing*, xunto cos xuros de demora devengados desde o pagamento, nos seguintes casos:

- a) Incumprimento da obriga de xustificación ou xustificación insuficiente segundo os termos contidos nestas bases.

b) Obtención da subvención sen reunir os requisitos exigidos para a súa concesión, falseando as condicións requiridas para isto ou ocultando aquelas que o impedisen.

c) Incumprimento total ou parcial do obxectivo, actividade, proxecto ou non adopción do comportamento que fundamentou a concesión da subvención.

d) Incumprimento das condicións impostas ao beneficiario con motivo da concesión da axuda ou subvención pública, así como dos compromisos por este asumidos, sempre que afecten ou se refiran ao modo en que deben acadarse os obxectivos, realizar a actividade, executar o proxecto ou adoptar o comportamento que fundamente a concesión da subvención, ou daqueles distintos dos anteriores, cando disto derive a imposibilidade de verificar o emprego dado aos fondos percibidos, o cumprimento do obxectivo, a realidade ou regularidade das actividades subvencionadas ou a concorrencia de subvencións, axudas, ingresos ou recursos para a mesma finalidade procedentes de calquera administración ou ente público ou privado, nacionais, da Unión Europea ou organismos internacionais.

e) Incumprimento de adoptar as medidas de difusión que se impuxesen na resolución de concesión.

f) Resistencia, escusa, obstrución ou negativa ás actuacións de comprobación e control financeiro desempeñadas pola Administración ou por calquera dos seus órganos, así como o incumprimento das obrigas contables, rexistrais ou de conservación de documentos cando disto derive a imposibilidade de verificar o emprego dado aos fondos percibidos, o incumprimento do obxectivo, a realidade e regularidade das actividades subvencionadas, ou a concorrencia de subvencións, axudas, ingresos ou recursos para a mesma finalidade, procedentes de calquera Administración ou ente público ou privado, nacionais, da Unión Europea, ou de organismos internacionais.

g) A adopción, en virtude do establecido nos artigos 87 a 89 do Tratado da Unión Europea, dunha decisión da cal derive unha necesidade de reintegro.

h) Nos demais casos previstos na normativa reguladora da subvención.

16.2. Igualmente procederá o reintegro do exceso percibido nos supostos en que o importe da axuda, illadamente ou en concorrencia coas subvencións ou axudas doutras administracións ou doutras entidades públicas ou privadas, supere o custo do proxecto ou o límite de intensidade de axuda establecido pola normativa comunitaria.

16.3. O alcance do incumprimento determinarase en función do grao e entidade da condición incumprida. A concorrencia de distintas causas de incumprimento dará lugar á súa apreciación conxunta.

Se o incumprimento supera o 50% do investimento subvencionable aprobado, considerarase total, sendo causa de revogación da axuda e de reintegro da totalidade das cantidades percibidas. As cantidades que se van reintegrar terán a consideración de ingresos de

dereito público, resultando de aplicación para o seu recobramento, se é o caso, a vía de constrinximento.

16.4. O procedemento para declarar o incumprimento e reintegro de cantidades axustarase ao disposto no artigo 20 do Decreto 287/2000 de desenvolvemento do réxime de axudas e subvencións públicas da Comunidade Autónoma de Galicia, sendo competente para a súa resolución o director xeral do Igape. Contra esta resolución caberá recurso contencioso-administrativo ante os xulgados do contencioso-administrativo de Santiago de Compostela nos dous meses seguintes ao da súa notificación e potestativamente, recurso de reposición ante o director xeral do Igape no mes seguinte a súa notificación.

16.5. Sen prexuízo do establecido nos puntos anteriores, os beneficiarios, entidades financeiras e SGR colaboradoras sométese ao réxime de infraccións e sancións establecido no artigo 79 da Lei de réxime financeiro e orzamentario de Galicia, desenvolvido no capítulo VII do Decreto 287/2000, do 21 de novembro.

#### Artigo 17º.-Control.

Tanto as entidades financeiras como as sociedades de garantía recíproca adheridas, como os beneficiarios das operacións de financiamento quedan obrigados a someterse ás actuacións de control que se efectúen por parte do Igape ou polos órganos internos ou externos de control da Comunidade Autónoma de Galicia, para verificar o cumprimento dos requisitos e finalidades das operacións financeiras acollidas a estas bases.

Artigo 18º.-Adhesión mediante convenio das entidades financeiras e sociedades de garantía recíproca colaboradoras.

18.1. O Igape invitará a adherirse ao convenio de colaboración en que se regulen os compromisos das partes, a todas aquelas entidades financeiras e sociedades de garantía recíproca que, tendo acreditada unha presenza significativa en Galicia, así como a súa solvencia técnica e financeira, colaborasen co instituto nos seus programas do subsidiación ao tipo de xuro de préstamos, créditos ou operacións de arrendamento financeiro.

18.2. Así mesmo, poderán instar a súa adhesión ao convenio todas aquelas entidades financeiras e sociedades de garantía recíproca acreditadas polo *Banco de España* que, demostrando unha implantación significativa en Galicia, dispoñan dos medios técnicos adecuados para asegurar a correcta tramitación dos expedientes conforme o establecido nestas bases e nos seus anexos e presenten debidamente cuberto o documento de adhesión que se xunta como anexo IV a estas bases. A adhesión formalizarase mediante a sinatura, por apoderado con facultades bastantes, do convenio. O Igape daralles conta ao resto das entidades adheridas da existencia de cada novo partícipe no convenio e o publicará no DOG.

18.3. As entidades colaboradoras adheridas ao convenio relaciónanse no anexo V a estas bases.

#### Artigo 19º.-Prazo de presentación de solicitudes.

O prazo de presentación de solicitudes na entidade de crédito iniciárase o día seguinte ao da publicación destas bases reguladoras no *Diario Oficial de Galicia* e rematará o 31 de decembro do ano 2007. No caso de esgotamento do crédito o Igape publicará a dita circunstancia no *Diario Oficial de Galicia* a fin de pechar anticipadamente o prazo de presentación de solicitudes.

#### Artigo 20º.-Dotación orzamentaria.

As axudas reguladas nestas bases financiaranse con cargo á aplicación orzamentaria 02.01-E5/10/01-656700 cun crédito plurianual de 180.000 € para o exercicio 2007 e de 270.000 € para o exercicio 2008, e a súa concesión estará supeditada á existencia de crédito orzamentario suficiente. Os ditos créditos, á vista das solicitudes presentadas poderán ser modificados e/ou ampliados polo Igape, do cal se dará a correspondente publicidade no *Diario Oficial de Galicia*.

### ANEXO I

Sector	CNAE	Actividade
<u>Comercio</u>		
	50.10	Venda de vehículos de motor.
	50.20	Mantemento e reparación de vehículos de motor.
	50.40	Venda, mantemento e reparación de motocicletas e ciclomotores e dos seus repostos e accesorios.
	50.50	Venda detallista de carburantes para a automoción.
	52.11	Comercio detallista, con predominio de alimentos, bebidas e tabaco en establecementos non especializados.
	52.12	Comercio detallista doutros produtos en establecementos non especializados.
	52.21	Comercio detallista de froitas e verduras.
	52.22	Comercio detallista de carne e produtos cárnicos.
	52.23	Comercio detallista de peixes e mariscos.
	52.24	Comercio detallista de pan e produtos de panadería, confeitaría e pastelería.
	52.25	Comercio detallista de bebidas.
	52.27	Outro comercio detallista en establecementos especializados en alimentación.
	50.303	Comercio detallista de repostos e accesorios de vehículos de motor.
	52.31	Comercio detallista de produtos farmacéuticos.
	52.32	Comercio detallista de artigos médicos e ortopédicos.
	52.33	Comercio detallista de cosméticos e artigos de toucador.
	52.41	Comercio detallista de téxtiles.
	52.42	Comercio detallista de pezas de vestir.
	52.43	Comercio detallista de calzado e artigos de coiro.
	52.44	Comercio detallista de mobles; aparellos de iluminación e outros artigos para o fogar.
	52.45	Comercio detallista de electrodomésticos, aparellos de radio, televisión e son.
	52.46	Comercio detallista de ferraxaría, pinturas e vidro.
	52.47	Comercio detallista de libros, xornais e papelaría.
	52.48	Outro comercio detallista en establecementos especializados.
	52.50	Comercio detallista de bens de segunda man, en establecementos.
	52.61	Comercio detallista por correspondencia e pola internet.
	52.62	Comercio detallista en postos de venda e mercados de ocasión.
	52.63	Outro comercio detallista non realizado en establecementos.
	52.71	Reparación de calzado e outros artigos de coiro.
	52.72	Reparación de aparellos domésticos eléctricos.
	52.73	Reparación de reloxos e xoiería.
	52.74	Outra reparación.
<u>Turismo e hostalaría</u>		
	55.11	Hoteis, moteis, hostais e pensións con restaurante.
	55.12	Hoteis, moteis, hostais e pensións sen restaurante.
	55.21	Albergues xuvenís e refuxios de montaña.
	55.22	Camping.
	55.23	Outros tipos de hospedaxe.
	55.30	Restaurantes.
	55.40	Establecementos de bebidas.
	55.52	Provisión de comidas preparadas.
		Actividades de turismo activo.



**XUNTA DE GALICIA**  
CONSELLERÍA DE ECONOMÍA E  
FACENDA

## ANEXO II



PROCEDEMENTO <b>AXUDAS DO IGAPE PARA O APOIO FINANCEIRO 2007 AOS ESTABLECEMENTOS TURÍSTICOS, HOSTALARÍA E COMERCIO RETALLISTA NAS COMARCAS DE FERROL EUME E ORTEGAL</b>	CÓDIGO DO PROCEDEMENTO <b>EC526A</b>	DOCUMENTO <b>SOLICITUDE</b>
--	---	--------------------------------

## DATOS DO/A SOLICITANTE

ENTIDADE		CIF / NIF	
ACTIVIDADE		CORREO ELECTRÓNICO	
NOME E APELIDOS DO/A REPRESENTANTE LEGAL			DNI
ENDEREZO DA ENTIDADE			CÓDIGO POSTAL
PROVINCIA	CONCELLO	LOCALIDADE	TELÉFONO
			FAX

## DATOS DA SOLICITUDE

Debe indicar, de forma obrigatoria, o identificador de documento electrónico (IDE) obtido da aplicación de axuda para cubrir solicitudes, e o seu código de comprobación.

IDENTIFICADOR DE DOCUMENTO ELECTRÓNICO (IDE) - 40 DÍXITOS ALFANUMÉRICOS - SHA 1 160 BITS	CÓDIGO DE COMPROBACIÓN
--	------------------------

O/A solicitante declara ter obtido nos servizos web do Igape (<http://tramita.igape.es>) un documento electrónico cuxo identificador de documento electrónico (IDE) aparece no cadro anterior. O contido deste documento forma, para todos os efectos, parte integrante da presente solicitude.

Solicito que as notificacións do Igape acerca deste expediente se efectúen por vía telemática.

Para utilizar esta opción debe dispor de certificado dixital que cumpra o especificado nas bases desta convocatoria. O Igape enviará un aviso ao enderezo de correo indicado, e o asinante da solicitude deberá recoller a notificación formal no enderezo da internet <http://tramita.igape.es>, previa identificación mediante certificado

- Quien suscribe conoce e acepta as condicións xerais destas axudas financeiras reguladas nas bases reguladoras das axudas do Igape para o apoio financeiro 2007 aos establecementos turísticos, hostalaría e comercio retalista nas comarcas de Ferrol, Eume e Ortegal, instrumentadas mediante convenio de colaboración suscrito entre o Igape, as EE.FF. e as SGR adheridas e **DECLARA BAIXO A SÚA RESPONSABILIDADE** que todos os datos que figuran na presente solicitude son certos, e acepta que son necesarios para a tramitación do expediente de referencia, que a consecuencia da falsidade dalgún deles dará lugar ás responsabilidades exixibles legalmente. Así mesmo, comprométese a destinar o importe do préstamo, para o que solicita a axuda, á finalidade prevista. Igualmente o solicitante **DECLARA** formalmente non estar suxeito a ningunha sanción que o inhabilite para a obtención de axudas públicas.
- Así mesmo, **AUTORIZA** o Igape para que solicite da Axencia Estatal da Administración Tributaria, da Consellería de Economía e Facenda, e da Seguridade Social, a información a que se refire o artigo 78.4º c) do texto refundido da Lei de réxime financeiro e orzamentario de Galicia, en relación co cumprimento por parte do solicitante das obrigas tributarias estatais e autonómicas, as obrigas coa Seguridade Social e de ausencia doutras débedas coa comunidade autónoma.
- De conformidade cos puntos 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública galega, e co previsto no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, a consellería publicará no *Diario Oficial de Galicia* e na súa páxina web oficial a relación dos beneficiarios e o importe das axudas concedidas ao abeiro desta orde; e incluírá igualmente as referidas axudas e as sancións, que como consecuencia delas puidesen impoñerse, nos correspondentes rexistros públicos, polo que a presentación da solicitude leva implícita a autorización para o tratamento necesario dos datos persoais dos beneficiarios e a referida publicidade.
- O solicitante **AUTORIZA** o tratamento necesario dos seus datos como beneficiario da axuda concedida ao abeiro destas bases e a súa cesión coa finalidade de publicalos nas páxinas webs oficiais do Igape e da Consellería de Economía e Facenda da Xunta de Galicia.
- O abaixo asinante **ACEPTA** que os datos que facilite serán empregados exclusivamente polo Igape e cedidos ás entidades colaboradoras que se detallan no anexo a estas bases, para a xestión e tramitación do seu expediente, así como para o envío periódico de información sobre axudas e actividades de interese para o solicitante.
- Do mesmo xeito coñece e **ACEPTA** que estes datos sexan incorporados a un ficheiro automatizado debidamente inscrito na Axencia Estatal de Protección de Datos. Poderanse exercer os dereitos de acceso, cancelación ou rectificación e oposición, poñéndose en contacto mediante carta dirixida á sede central deste Instituto en Santiago de Compostela, complexo administrativo de San Lázaro s/n, CP 15703, A Coruña.

## LEXISLACIÓN APLICABLE

*Resolución do 1 de outubro de 2007 pola que se lle dá publicidade ao acordo do Consello de Dirección do Instituto Galego de Promoción Económica (Igape), que aproba as bases reguladoras das axudas do Igape para o apoio financeiro 2007 aos establecementos turísticos, hostalaría e comercio retalista nas comarcas de Ferrol, Eume e Ortegal, instrumentadas mediante convenio de colaboración suscrito entre o Instituto Galego de Promoción Económica (Igape), as entidades financeiras e as sociedades de garantía recíproca adheridas.*

SINATURA DO/A SOLICITANTE OU O/A REPRESENTANTE LEGAL

Lugar e data

, de de 200

(Para cubrir pola Administración)

RECIBIDO
REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA

## ANEXO III

**CONVENIO DE APOIO FINANCEIRO AOS ESTABLECEMENTOS TURÍSTICOS, HOSTALARÍA E  
COMERCIO RETALLISTA NAS COMARCAS DE FERROL, EUME E ORTEGAL 2007**

**SOLICITUDE DE COBRAMENTO DE SUBSIDIACIÓN/COMISIÓN AVAL SGR**

Nº EXPEDIENTE	BENEFICIARIO	CIF / NIF
<input type="text"/>	<input type="text"/>	<input type="text"/>

(APELIDOS, NOME E CARGO NA EMPRESA BENEFICIARIA)

D/Dona: , DNI: 

Actuando en nome e representación da empresa titular do expediente arriba referenciado,

**EXPÓN:**

que para a tramitación da presente liquidación de subsidiación, e de acordo co disposto no artigo 14 das bases reguladoras das axudas do Igape para o apoio financeiro aos establecementos turísticos, hostalaría e comercio retallista nas comarcas de Ferrol, Eume e Ortegal, se achega a seguinte documentación:

- Fotocopia cotexada da declaración censual (modelo 036) ou último recibo do imposto de actividades económicas.
- Fotocopias cotexadas dos documentos que xustifiquen a realización do investimento subvencionable e os pagamentos realizados.
- No caso de operacións de *leasing*, declaración de atoparse conforme cos bens entregados pola entidade de crédito.
- Para o caso de resolucións de concesión de axudas condicionadas á remisión de determinada documentación, fotocopia cotexada desta.

**DECLARA BAIXO A SÚA RESPONSABILIDADE:**

Que, para este mesmo proxecto, esta entidade solicitou e/ou obtivo as axudas que se relacionan a continuación:

	ORGANISMO	ANO	IMPORTE	DISPOSICIÓN REGULADORA
AXUDAS CONCEDIDAS	<input type="text"/>	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>	<input type="text"/>
AXUDAS SOLICITADAS	<input type="text"/>	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>	<input type="text"/>

Así mesmo, a empresa comprométese a comunicar inmediatamente cantas axudas solicite ou obteña para a mesma actuación doutras administracións públicas ou doutros entes públicos ou privados, nacionais ou internacionais, a partir da data desta declaración.

E por todo iso,

**SOLICITA:**

Que se liquide á empresa titular do expediente, a través da entidade financeira prestamista, a subsidiación correspondente, de acordo co establecido no artigo 7º das bases reguladoras.

*Lugar e data*

, de de 200

POLA EMPRESA BENEFICIARIA

Sinatura

## ANEXO IV

Solicitud de adhesión ao convenio de apoio financeiro 2007 aos establecementos turísticos, hostalaría e comercio retallista nas comarcas de Ferrol, Eume e Ortegá subscrito entre o Instituto Galego de Promoción Económica (Igabe) e as entidades financeiras e sociedades de garantía recíproca adheridas

D./Doña....., con DNI nº ....., en nome e representación da entidade \*\*\*\*\*\*, con poderes suficientes para obrigarlle neste acto.

## DECLARA:

Coñecer os termos e condicións do convenio de colaboración subscrito entre o Instituto Galego de Promoción Económica (Igabe), as entidades financeiras e as sociedades de garantía recíproca adheridas, para o apoio financeiro 2007 aos establecementos turísticos, hostalaría e comercio retallista nas comarcas de Ferrol, Eume e Ortegá, e que ten interese en participar no dito convenio, polo tanto

## SOLICITA:

Adherirse aos termos e condicións do referido convenio, mediante a súa sinatura.

Santiago de Compostela, \*\*\*\* de \*\*\*\*\* de 2007.

(Sinatura e selo da entidade financeira)  
Presidente do Igabe

## ANEXO V

Relación de entidades financeiras e sociedades de garantía recíproca adheridas

Caixas	Bancos	SGR
Caixa Galicia	Banco Bilbao Vicaya Argentaria	Afígal
Caixanova	Banco de Galicia	Sogarpo
Caja España	Banco Español de Crédito	
	Banco Gallego	
	Banco Pastor	
	Banco Popular	
	Banco Sabadell	
	Banco Santander Central Hispano	
	Lico Leasing, S.A. Efc	

## UNIVERSIDADE DE SANTIAGO DE COMPOSTELA

*Resolución do 24 de setembro de 2007 pola que se modifica a do 14 de xullo de 2004, pola que se delega a sinatura da potestade certificante da/o secretaria/o xeral en determinados órganos.*

O 18 de agosto de 2003 publicouse no DOG a resolución da Secretaría Xeral do 14 de xullo de 2003 pola que se delega a sinatura da potestade certificante do/a secretario xeral en determinados órganos. Esta resolución foi obxecto de modificacións por resolucións do 18 de maio de 2004 (DOG do 1 de xuño), 28

de setembro de 2005 (DOG do 16 de outubro), 30 de outubro de 2006 (DOG do 13 de novembro) e do 12 de abril de 2007 (DOG do 2 de maio).

O punto décimo terceiro da resolución refírese á delegación da potestade certificante en materia de terceiro ciclo, posgrao e formación continua no titular da xefatura de sección de terceiro ciclo do campus de Santiago de Compostela. Tanto a necesidade de axilización administrativa como a potenciación e incremento de actuación da unidade do campus de Lugo, determinan unha modificación da resolución en materia de delegación da sinatura da potestade certificante da/o secretaria/o xeral en determinados órganos, engadindo un novo parágrafo no artigo décimo terceiro. Por todo o anterior, esta secretaria xeral

## RESOLVE:

Primeiro.-Modificar o artigo décimo terceiro da Resolución do 14 de xullo de 2003 pola que se delega a sinatura da potestade certificante do secretario xeral en determinados órganos, incluíndo o seguinte parágrafo:

«Delégase no/a xefe/a da Unidade de Xestión Académica do Campus de Lugo a potestade certificante das certificacións relacionadas neste artigo, correspondentes ao campus de Lugo».

Segundo.-Esta modificación entrará en vigor o día seguinte ao da súa publicación no *Diario Oficial de Galicia*.

Santiago de Compostela, 24 de setembro de 2007.

Isabel García-Rodeja Gayoso  
Secretaria xeral da Universidade de Santiago de Compostela

## V. ADMINISTRACIÓN DE XUSTIZA

## XULGADO DE PRIMEIRA INSTANCIA NÚMERO TRES DE VIGO

*Edicto (453/2007).*

Concepción Sola Martín-Esperanza, xuíza do Xulgado de Primeira Instancia número tres dos de Vigo, fago saber que neste xulgado e co número 453/2007 se segue a instancia de Manuel Ageitos López expediente para a declaración de falecemento de Marcelino Ageitos López, natural de Corrubedo (A Coruña), nacido o 19 de marzo de 1940. O 6 de xuño de 1966, o barco en que traballaba de mariñeiro sufriu unha explosión e naufragou á entrada da ría de Vigo e desapareceu, non se recuperou o seu corpo, non se tiveron noticias del desde esta data, ignorándose o seu para-